

ծանք ձիանը, խարազանի հարուած մը ևս տալով՝ առաջ վարեցինք, անցանք Ղըզըլներ փոքրիկ բլրակէն, սկսանք առնկող շարունակել ճանապարհնիս, հասանք Վարդնակօլեր ճահճային վայրը, աստի մի ժամ շարունակելով Քաժեր սարի ստորոտէն, Թիկոզ մեծ քարի կշտէն,

Վարդնակօլերէն երկու ճանապարհ կը բաժանուի, մին ի հիւսիս Ինկլիճէ ուստի մէկ ժամ արեւելս ի Ղարա վանք կը տանի. մենք արդեն բռնած ենք վերին ճանապարհը՝ Թիկոզ ժայռի կուշտն քերելով անցանք $1\frac{1}{4}$ ժամ, ապա խոնարհեցանք ի վայր՝ անցնելով մի մեծ ժայռի երկու ձեղքերու միջէն, շարունակեցինք մեր ճանապարհն $1\frac{1}{4}$ ժամ ի խոնարհ և մէկ ժամ ևս առնկող մինչև Ղարավանք (սեաւ վանք) հայ գիւղն, մեզ ցմիշտ տեսարան ունենալով Կաղզուանայ և Վիշապաձորի միջավայրը, այսինքն մեզմէ ի հիւսիս մինչև Երասխ տարածուած վայրն:

Ղարավանք բարձր դիրքի մի վերայ 70 — 80 տնուոր հայ գիւղ մի է, ունի երկու եկեղեցի, մին բարձր դիրքի մի վերայ հինաւուրց մնացեալ վանք մի է, հոյակապ շինուած. տեղ տեղ քանդուած, միւսն նոր շինուած է վանքի մօտը: Հինը վանք՝ նորը եկեղեցի կը յորջորջուի:

Այս տեղ կայ Ղաղախներու փօշոտ և մաքսատուն, ժողովուրդն ունի բաւականին վարելահող և բարւոք վիճակ: Գիւղիս շուրջն պարիսպներու և հին գերեզմաններու բեկորներ կը տեսնուին:

Գարձեալ շարունակեցինք գնալ արեւելեան հիւսիս, երկու ժամ միջոց ունինք Կաղզուան հասնելու, գիւղէս $1\frac{1}{2}$ ժամ խոնարհեցանք, $1\frac{1}{2}$ ժամ անցանք քարու քարու ճանապարհներէ, մերձեցանք Կաղզուանայ,